

VII. KAFLI

Um breyting samþykktá og hvernig samþykkt verði úr gildi felld.

26. gr.

Tillögur, er fram kunna að koma til breytinga á samþykkt þessari frá hreppa-búnaðarfélagum eða framkvæmdastjórn, skulu sendar stjórn búnaðarsambandsins, er sendir þær til allra aðila, er að samþykkt standa samkvæmt 1. gr., til umsagnar. Þær skulu síðan, ásamt umsögnum búnaðarfélaganna, lagðar fyrir aðalfund búnaðarsambandsins. Samþykki löglegur aðalfundur breytingarnar með að minnsta kosti $\frac{3}{5}$ atkvæðisbærra fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

27. gr.

Samþykkt þessa má því aðeins nema úr gildi, að rökstutt álit meiri hluta samþykktaraðila liggja fyrir um að tilgangi samþykktar verði ekki náð, og lögmætur aðalfundur búnaðarsambandsins samþykki það með að minnsta kosti $\frac{3}{5}$ atkvæðisbærra fundarmanna, enda komi samþykki landbúnaðarráðherra til.

28. gr.

Með brot á samþykkt þessari skal farið sem almenn lögreglumál.

29. gr.

Samþykkt þessi gengur í gildi er hún hefur verið staðfest af landbúnaðarráðherra.

Samþykkt þessi er sett samkvæmt lögum nr. 7 12. jan. 1945, um jarðræktar- og húsagerðarsamþykktir í sveitum, til að öðlast þegar gildi, og birtist til eftirbreytni öllum þeim, sem hlut eiga að máli.

Landbúnaðarráðuneytið, 20. maí 1946.

Pétur Magnússon.

Árni G. Eylands.

HÚSAGERÐARSAMÞYKKT

fyrir Búnaðarsamband Húnavatnssýslu.

I. KAFLI

Takmörk samþykktarsvæðis og markmið.

1. gr.

Samþykktarsvæðið er Austur-Húnavatnssýsla.

2. gr.

Markmið samþykktarinnar er að hraða húsabótum og öðrum byggingarframkvæmdum á samþykktarsvæðinu og stuðla að því að byggingar verði vandaðar, hagkvæmar, smekklegar og ódýrar. Búnaðarsambandið tekur því að sér á þann hátt er fyrir er mælt í samþykkt þessari, eftirgreind verkefni eftir því sem ástæður leyfa:

1. Byggingu íbúðarhúsa.
2. — peningshúsa.

3. Byggingu heyhlaða.
4. — geymsluhúsa.
5. — súrheystófta.
6. — safnþróa, þvaggryfja og haughúsa.

Byggingar samkvæmt 1.—4. lið skulu afhendast fohheldar, nema öðruvísi sé um samið, en mannvirkjum samkvæmt 5. og 6. lið skal skila fullgerðum.

II. KAFLI

Stjórn og tilhögun framkvæmda.

3. gr.

Stjórn búnaðarsambandsins hefur alla umsjón og framkvæmdir þessara mála með aðstoð Teiknistofu landbúnaðarins. Stjórnin annast kaup á nauðsynlegum vélum og áhöldum í samráði við forstöðumann teiknistofunnar.

4. gr.

Stjórnin ræður verkstjóra vinnuflokka og aðra starfsmenn, ákveður launakjör þeirra og hefur eftirlit með störfum þeirra.

Verkstjórar og vinnuflokkar skulu ráðnir í samráði við forstöðumann teiknistofunnar og hefur hann einnig eftirlit með störfum þeirra.

Heimilt er stjórninni að ráða framkvæmdastjóra til eins árs í senn eða með þriggja mánaða uppsagnarfresti. Getur stjórnin þá falið framkvæmdastjóranum daglegan rekstur og umsjón með verkstjóra vinnuflokks eða vinnuflokka fyrir sína hönd og skal það þá gert með erindisbréfi.

5. gr.

Stjórnin gerir eða samþykkir alla verktökusamninga fyrir hönd sambandsins samkvæmt samþykkt þessari eða ályktunum aðalfundar sambandsins og eru þeir skuldbindandi fyrir félagsheildina. Stjórnin ber ábyrgð gerða sinna fyrir aðalfundi sambandsins.

6. gr.

Stjórnin getur tekið að sér útvegum efnis til bygginganna, ef þess er óskað af kostnaðarmanni eða aðalfundur sambandsins hefur ákveðið það. Greiðist þá 1% af andvirði efnisins í framkvæmdasjóð samþykktarsvæðisins, sbr. 16. gr.

7. gr.

Stjórn sambandsins eða framkvæmdastjóra þess er skylt að sjá um, að nothæft byggingarefni sé ávallt fyrir hendi, er vinna hefst, þannig að tryggt sé eftir því sem unnt er, að byggingarframkvæmd teffjist ekki vegna efnisskorts.

8. gr.

Fulltrúi stjórnarinnar, fulltrúi viðkomandi sveitarstjórnar ásamt fulltrúa Teiknistofu landbúnaðarins, skulu athuga og gera tillögur um, hvar og hvernig húsum verði bezt fyrir komið, þar sem óskað er aðstoðar sambandsins um húsa-gerð eða annað, er að húsagerð lýtur. Þessir menn skulu leita álits kostnaðarmanns eða leiguliða, ef um erfðaábúð er að ræða, og taka í tillögum sínum tillit til óska þeirra, eftir því sem fært þykir. Nú er kostnaðarmaður byggingar ekki ánægður með tillögur þessara manna, getur hann þá skotið þeim til umsagnar Búnaðarfélags Íslands, er fellir um þær fullnaðarúrskurð.

Byggingar, sem reistar eru samkvæmt þessari samþykkt, skulu gerðar eftir teikningum eða fyrirsögn teiknistofunnar.

82 21. maí Kostnaður við þessar athuganir og nauðsynlega uppdrætti greiðist af Teikni- stofu landbúnaðarins, þó greiðir hlutaðeigandi sveitarsjóður fulltrúa hreppsins, en þóknun til fulltrúa sambandsins greiðist úr framkvæmdasjóði.

9. gr.

Til byggingarkostnaðar telst allt, sem greitt er vegna hveðrar byggingar. Sam- einlegum kostnaði fleiri bygginga skal skipt eftir reglum, er stjórnin setur, í samráði við forstöðumann teiknistofunnar. Til slíks kostnaðar telst meðal annars:

1. Viðhalds- og fyrningargjald af veggjamótum, vélum og verkfærum.
2. Flutningur milli vinnustaða.
3. Verkstjórnar- og stjórnarkostnaður.
4. ½% af framkvæmdakostnaði (öðrum en efniskostnaði).

10. gr.

Stjórninni er heimilt að taka rekstrarlán með tryggingu í framkvæmdasjóði og í tekjum eða kröfum, er stafa frá framkvæmdum sambandsins samkvæmt þessari samþykkt. Slíkar skuldakröfur eru forgangsskuldir, tryggðar með veði í jörð þeirri, er framkvæmdin hefur verið gerð á, næst eftir þeim lánunum, er á jörðinni hvíldu er framkvæmd sú hófst, er krafan stafar frá, og víkja aðeins fyrir opinberum gjöldum og fylgifyrkröfu, ef um óðalsjarðir er að ræða. Skuldakröfur þessar má taka lögtaki.

11. gr.

Styrkir, sem greiddir eru af opinberu fé til bygginga, sem reistar eru samkvæmt þessari samþykkt, greiðast óskertir að frádregnu fyrningargjaldi samkvæmt 9. gr. til stjórnar sambandsins, nema hún leggi annað fyrir.

12. gr.

Stjórninni ber að tryggja sér fulla greiðslu fyrir framkvæmdir sem sambandið tekur að sér, hjá kostnaðarmanni, áður en vinna hefst, sbr. 10. og 11. gr.

13. gr.

Nú hefur Nýbýlasjóður heitið styrk til húsagerðar, er sambandið annast um samkvæmt þessari samþykkt, og á þá sambandið kröfu til þess, að sjóðurinn greiði styrkinn, þegar verið er hafið af vinnuflokkum þess, þó ekki hærrí fjárhæð en sem svarar vinnulaunum við að gera húsið fokhelt.

14. gr.

Stofnfé framkvæmdasjóðs skal fengið með framlögum frá hlutaðeigandi sveitarsjóðum.

Stofnfjárupphæðina, eins og hún er ákveðin í 16. gr., skal greiða af hreppnum, að hálfu í hlutfalli við landverð hreppanna og að hálfu í hlutfalli við skattskyldar tekjur og eignir innan hreppanna samanlagðar.

Ákvæði þetta gildir því aðeins gagnvart hlutaðeigandi hreppssjóði að viðkomandi hreppsnefnd hafi samþykkt framlagið.

Nú neitar hreppsnefnd að greiða áskilið framlag. Starfa þá þessi samtök ekki í þeim hreppi, nema aðrir aðilar hafi greitt gjald þetta.

III. KAFLI

Framkvæmdasjóður og starfsemi hans.

15. gr.

Búnaðarsambandið stofnar sjóð, er kallast Framkvæmdasjóður Búnaðarsam- bands Húnavatnssýslu, til stuðnings starfsemi samkvæmt þessari samþykkt og er óheimilt að verja fé úr þessum sjóði til nokkurs annars. — Til þess að greiðsla úr

Þessum sjóði sé heimil, þarf hún að vera samþykkt á aðalfundi eftir tillögu stjórnarinnar. 82

21. maí

16. gr.

Stofnfé framkvæmdasjóðs er kr. 20000.00, er greiðast skal í sjóðinn strax og samþykkt þessi hefur verið staðfest, sbr. 14. gr.

Tekjur sjóðsins eru:

1. Styrkir til áhaldakaupa samkvæmt gildandi lögum.
2. 1% af byggingarefni, sem keypt er inn fyrir hönd sambandsins.
3. ½% af öðrum byggingarkostnaði, er stafar af framkvæmdum undir verkstjórn starfsmanna sambandsins.
4. Óvæntar tekjur.

IV. KAFLI

Samning árlegrar starfsáætlunar.

17. gr.

Stjórnir búnaðarfélaganna skulu árlega semja skrá um verkbeiðnir félagsmanna sinna. Skal tekið fram sem greinilegast hvaða byggingarframkvæmdir um er að ræða og hve stórar. Skýrslum þessum ber að skila til stjórnar sambandsins fyrir 20. október ár hvert eða fyrr, ef stjórnin telur það nauðsynlegt.

18. gr.

Að fengnum þeim skýrslum, er um ræðir í 17. gr., ber stjórn sambandsins að semja starfs- og rekstraráætlun fyrir næsta starfstímabil eða starfsár. Rísi ágreiningur innan sambandsstjórnarinnar um ákveðin atriði starfsáætlunarinnar, ber að leggja þau fyrir fund búnaðarsambandsins til úrskurðar.

19. gr.

Við undirbúning framkvæmdaáætlunar sé þess gætt:

1. Að jarðir, sem mesta þörf hafa fyrir nýbyggingar, sitji fyrir eftir því sem unnt er. Og að því athuguðu að það valdi ekki óhæfilegum aukakostnaði í tilflutningi véla og verkfæra.
2. Að byggingarframkvæmdir, sem gera skal á árinu, séu sem best skipulagðar hvað alla framkvæmd snertir.
3. Að allt byggingarefni sé sem vandaðast eftir öllum aðstæðum.
4. Að öll vinna sé vel af hendi leyst og vönduð eftir því sem við verður komið.

V. KAFLI

Um reikningshald og endurskoðun.

20. gr.

Reikningsár félagsins er almanaksárið og skal reikningsskilum lokið svo tímanlega að endurskoðun geti farið fram áður en aðalfundur búnaðarsambandsins er haldinn. Skulu endurskoðendur sannprófa að reikningum beri saman við bækur stjórnarinnar.

21. gr.

Endurskoðendur séu tveir, kjörnir á aðalfundi búnaðarsambandsins til eins árs í senn. Þeir skulu kynna sér reksturinn sem best og hafa eftirlit með starfrækslu stjórnarinnar í hvívetna.

22. gr.

Endurskoðaðir reikningar skulu lagðir fram til samþykktar á aðalfundi sambandsins. Þar gefur stjórnin skýrslu um starfsemi, svo og endurskoðendur, ef tilefni er til þess.

VI. KAFLI

Um breyting samþykktar og hvernig samþykkt verði úr gildi felld.

23. gr.

Tillögur, sem fram kunna að koma til breytinga á samþykkt þessari, skulu sendar búnaðarfélagum til umsagnar. Þær skulu síðan, ásamt umsögn búnaðarfélaganna, lagðar fyrir aðalfund búnaðarsambandsins. Samþykki löglegur aðalfundur breytingarnar með að minnsta kosti $\frac{3}{5}$ atkvæðisbærra fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

24. gr.

Samþykktir þessar má því aðeins nema úr gildi, að rökstutt álit meiri hluta samþykktaraðila liggja fyrir um að tilgangi samþykktar verði ekki náð, og lögmatúr aðalfundur búnaðarsambandsins samþykki það með að minnsta kosti $\frac{3}{5}$ hlutum atkvæðisbærra fundarmanna, enda komi samþykki landbúnaðarráðherra til.

25. gr.

Með brot á samþykkt þessari skal farið sem almenn lögreglumál, og geta þau varðað sektum frá 100—5000 krónum, nema þyngri hegning liggja við að lögum.

26. gr.

Samþykkt þessi gengur í gildi er hún hefur verið staðfest af landbúnaðarráðherra, en endurskoða skal samþykktina, þegar komin er út staðfest reglugerð samkvæmt lögum um jarðræktar- og húsagerðarsamþykktir í sveitum.

Húsagerðarsamþykkt þessi er sett samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, til að öðlast þegar gildi, og birtist til eftirbreytni öllum þeim, sem hlut eiga að máli.

Landbúnaðarráðuneytið, 21. maí 1946.

Pétur Magnússon.

Árni G. Eylands.

GJALDSKRÁ

fyrir Rafveitu Ísafjarðar og Eyrarhrepps.

I. Raforka.

Rafveita Ísafjarðar og Eyrarhrepps selur raforku á orkuveitusvæði sínu í Ísafjarðarkaupstað og Eyrarhreppi á þann hátt og við því verði, sem hér segir:

A. Lýsing.

Þar, sem orkan er aðallega notuð til lýsingar, skal hún seld um kwst.-mæli á kr. 1.00 hver kwst.

B. Rafmagn til almennrar heimilisnotkunar.

Um tvö mæli kwst.-mæla, annan til ljósa, en hinn til heimilisvéla, suðu og hitunar.

Um ljósamælinn kr. 1.00, en um hinn mælinn kr. 0.18 hver kwst.